

Bókun frá borgarfulltrúum Kvennaframboðsins utan dagskrár 6.6.1985.

Við höfum valið þennan fund borgarstjórnar til þess að mótmæla þeirri kvenímynd, sem haldið hefur verið óvenju sterkt að okkur konum síðustu vikur í tilefni nýafstaðinnar fegurðarsamkeppni. Astæðan fyrir því að við veljum fund borgarstjórnar sem vettvang mótmæla okkar, er forganga borgarstjóra við að viðhalda áður-nefndri ímynd og ummælum hans við krýningu fegurðardróttingar nýlega. Við það tækifæri gerðist hann opinber fulltrúi karl-rembunnar og sýndi sinn innri mann með því að reyna að vera fyndinn á kostnað kvenna.

Við munum því hér á fundinum reyna að hegða okkur í samræmi við boðskap þessarar ímyndar til þess að mótmæla henni og sýna fram á fátíðni hennar. Þessi ímynd karlveldisins er í stuttu máli, að gildi kvenna felst í snotru andliti, grönnu mitti, réttu ummáli brjósta og mjaðma. Þessum þáttum kvenímyndarinnar getum við ekki tryggt að við komum til skila. Móðir náttúra á þar hlut að máli. Hinum þáttum kvenímyndarinnar, þ.e. skoðanaleyfinu, virðingu fyrir valdinu og að vera meðfærilegar ráðum við hins vegar skár við. Til þess að það megi þó gerast, verður nokkur misbrestur á málefnalegri afstöðu okkar á fundinum.

Sanni eitthvað mikilvægi kvenfrelsisbaráttu, er það sú staðreynd að þrátt fyrir sí- vaxandi þátttöku kvenna í alls konar störfum og í stjórnmálum, reyna karlar enn þá að halda á lofti þessari fölsku ímynd. Þrátt fyrir Kvennaframboð og Kvinnalista og fjölda kvenna-hreyfinga, sem hafa sannað fylgi fólks við breytta og raunsannari ímynd kvenna, er karlveldið samt við sig og þar skipar borgarstjóri sjálfan sig í forystusveit.

Það er sorglegt að horfa á unga menn í geirflugshlutverki.